



**Broj predmeta:** 13-001916/20

Broj akta: 11-0268PV-002/20

Datum, 6.7.2020. godine

Mjesto, Brčko

Na osnovu člana 20. Zakona o izvršenju budžeta Brčko distrikta Bosne i Hercegovine za 2020. godinu („Službeni glasnik Brčko distrikta BiH“, broj: 12/20 i 24/20) i člana 6. stav (1) Odluke o kriterijima za stambeno zbrinjavanje izbjeglica i raseljenih lica koja se žele integrisati na nivou lokalne zajednice za 2020. godinu, broj: 02-000138/20, broj akta: 01.11-1161DS-009/20 od 3. 7. 2020. godine, šef Odjeljenja za raseljena lica, izbjeglice i stambena pitanja Vlade Brčko distrikta BiH raspisuje

### J A V N I P O Z I V

#### **za podnošenje prijava za stambeno zbrinjavanje izbjeglica i raseljenih lica koja se žele integrisati na nivou lokalne zajednice za 2020. godinu**

Pomoć u oblasti stambenog zbrinjavanja izbjeglica i raseljenih lica koja se žele integrisati na nivou lokalne zajednice realizovat će se u okviru osiguranih sredstava u budžetu Brčko distrikta BiH za 2020. godinu u iznosu od **200.000,00 KM**, isplatom novčanih sredstava u maksimalnom iznosu do **25.000,00 KM**.

Visina novčanih sredstava bit će utvrđena na osnovu predmjera i predračuna građevinskog materijala za obnovu stambenog objekta, a uz primjenu trenutnih prosječnih tržišnih jediničnih cijena građevinskog materijala.

#### **Korisnici pomoći**

Pomoć u stambenom zbrinjavanju izbjeglica i raseljenih lica koja se žele integrisati na nivou lokalne zajednice (u dalnjem tekstu: izbjeglice i raseljena lica) dodjeljuje se licima izbjeglicama i raseljenim licima u Bosni i Hercegovini, a koja su se odlučila trajno nastaniti na teritoriji Brčko distrikta BiH.

#### **Opći uslovi i dokazi o ispunjavanju općih uslova**

- (1) Na javnom pozivu mogu učestvovati izbjeglice i raseljena lica koja ispunjavaju sljedeće opće uslove:
  - a) da su izbjeglice ili raseljena lica koja su imala ili imaju status izbjeglice ili raseljenog lica,
  - b) da su stanovnici Distrikta najmanje 5 godina prije raspisivanja javnog poziva,
  - c) da u Distriktu posjeduju građevinsku parcelu za koju su izdati lokacijski uslovi ili započetu stambenu izgradnju na građevinskoj parceli za koju je izdato odobrenje za građenje ili da iste pribavi i dostavi komisiji u roku od 30 dana od dana zatvaranja javnog poziva,
  - d) da podnositelj zahtjeva ili član njegovog porodičnog domaćinstva nije bio korisnik pomoći za izgradnju ili sanaciju stambene jedinice, osim u slučajevima gdje donacija ne zadovoljava minimum stambenih uslova u skladu s utvrđenim standardima,
  - e) da podnositelj zahtjeva ili član njegovog porodičnog domaćinstva nema na teritoriji BiH drugu stambenu jedinicu koja se smatra uslovnom za stanovanje,
  - f) da je podnositelj zahtjeva ili član njegovog porodičnog domaćinstva vlasnik/suvlasnik ili posjednik/suposjednik porušene ili oštećene stambene jedinice, ili nosilac stanarskog prava porušenog ili oštećenog stana, i da ista nije prodata, zamijenjena ili prenesena na

drugi način, osim ako je stambena jedinica iz 1991. godine prodata za iznos manji od 25.000,00 KM.

- (2) **Dokazi o ispunjavanju općih uslova** koje podnositelj zahtjeva mora dostaviti su:
- a) rješenje/uvjerenje/potvrda o statusu izbjeglice ili raseljenog lica ili rješenje/uvjerenje/potvrda o prestanku statusa izbjeglice ili raseljenog lica ili kopija pasoša sa duljung vizom ili dokument izdat od nadležnog organa kojim se potvrđuje status izbjeglice iz BiH;
  - b) uvjerenje o prijavi prebivališta,
  - c) za građevinsku parcelu koju posjeduje u Distriktu:
    - 1) lokacijske uslove ili odobrenje za građenje izdate od nadležnog organa,
    - 2) izvod iz zemljišne knjige (zemljišnoknjižni izvadak ne stariji od 6 mjeseci) ili pravosnažna sudska presuda ili pravosnažno rješenje nadležnog organa na osnovu kojeg je korisnik stekao pravo vlasništva ili građenja ili pravosnažna odluka o dodjeli zemljišta korisniku na korištenje radi građenja ili ugovor na osnovu kojeg je korisnik stekao pravo vlasništva ili građenja,
  - d) ovjerena izjava podnositelja zahtjeva da on i punoljetni članovi njegovog porodičnog domaćinstva nisu bili korisnici pomoći za izgradnju ili sanaciju stambene jedinice, osim u slučajevima gdje donacija ne zadovoljava minimum stambenih uslova u skladu s utvrđenim standardima,
  - e) ovjerena izjava podnositelja zahtjeva da on i članovi njegovog porodičnog domaćinstva nemaju na teritoriji BiH drugu stambenu jedinicu koja se smatra uslovnom za stanovanje,
  - f) za stambeni objekat iz 1991. godine:
    - 1) izvod iz zemljišne knjige ili posjedovni list ili ugovor o korištenju stana (zk. izvadak ili p.l. ne stariji od 6 mjeseci) za podnositelja zahtjeva, odnosno člana njegovog porodičnog domaćinstva kao dokaz da je vlasnik/suvasnik ili posjednik/suposjednik stambene jedinice ili nosilac stanarskog prava iz 1991. godine,
    - 2) ako je podnositelj zahtjeva ili član njegovog porodičnog domaćinstva suvlasnik ili suposjednik ratom porušene ili oštećene stambene jedinice, potrebno je priložiti ovjerene izjave ostalih suvlasnika ili suposjednika da nisu bili korisnici donacije ili drugih sredstava dovoljnih za osiguranje minimuma stambenih uslova i da se neće pojavljivati sa zahtjevom za dobijanje ovih sredstava;
    - 3) dokaz iz općine u kojoj je živio 1991. godine da:
      - a) je njegova stambena jedinica porušena ili oštećena i da ista nije prodata, zamijenjena ili prenesena na drugi način;
      - b) podnositelj zahtjeva niti ostali eventualni suvlasnici nisu bili korisnici pomoći za izgradnju ili sanaciju stambene jedinice.
- (3) Izuzetno od stava (2) tačka f) alineja 3) ovog člana ako je stambeni objekat prodan, potrebno je dostaviti ovjeru kupoprodajni ugovor.
- (4) Komisija za odabir korisnika i dodjelu novčanih sredstava po službenoj dužnosti pribavlja dokaze iz stava (2) tačke b) ovog člana.
- (5) Podnositelj zahtjeva uz prijavu na javni poziv prilaže dokaze iz stava (2) tačke a), c), d), e) i f) i dokaze za ispunjavanje posebnih uslova iz tačke 2.
- (6) Komisija za odabir korisnika i dodjelu novčanih sredstava po službenoj dužnosti provjeravat će činjenicu da li je podnositelj zahtjeva i član njegovog porodičnog domaćinstva kao i suvlasnik ili suposjednik stambene jedinice u kojoj je živio 1991. godine, u Distriktu bio korisnik pomoći za izgradnju ili sanaciju stambene jedinice, osim u slučajevima gdje donacija ne zadovoljava minimum stambenih uslova u skladu s utvrđenim standardima.

## Posebni uslovi i dokazi o ispunjavanju posebnih uslova

1. Posebni uslovi su:
  - a) broj članova porodičnog domaćinstva;
  - b) socijalni status i starosna dob podnosioca zahtjeva;
  - c) kategorija ratnog vojnog invalida;
  - d) pripadnost porodici poginulih boraca.
2. **Dokazi o ispunjavanju posebnih** uslova koje podnositelj zahtjeva mora dostaviti su:
  - a) ovjerena Izjava o kućnoj listi;
  - b) uvjerenje Odjeljenja za zdravstvo i ostale usluge, Pododjeljenja za socijalnu zaštitu o socijalnom statusu;
  - c) akt nadležnog organa kojim se dokazuje da podnositelj zahtjeva živi u alternativnom smještaju;
  - d) rješenje nadležnog organa o kategoriji ratnog vojnog invalida;
  - e) potvrda nadležnog organa o statusu porodice poginulog borca.

## Bodovanje

1. Za svakog člana porodičnog domaćinstva podnositelj zahtjeva ostvaruje pravo na 5 bodova.
2. Svaki član stariji od 65 godina života budi se sa dodatnih 5 bodova.
3. Pored bodova ostvarenih u skladu s tačkama 1. i 2. podnositelj zahtjeva ostvaruje dodatnih 5 bodova u svakom od sljedećih slučajeva:
  - a) za svakog člana porodičnog domaćinstva korisnika stalne socijalne pomoći;
  - b) porodično domaćinstvo kategorije porodice poginulih boraca;
  - c) ako živi u stambenom objektu bez krova ili kupatila;
  - d) ako živi u alternativnom smještaju;
  - e) za ratne vojne invalide od I. do IV. kategorije.
4. Izuzetno od tačke 3. ratni vojni invalidi članovi porodičnog domaćinstva podnosioca zahtjeva budi se sa 2 boda.

## Odabir korisnika

Komisija za odabir korisnika za dodjelu novčanih sredstava, koju imenuje šef Odjeljenja, sačinjava rang-listu korisnika koju objavljuje na oglasnoj ploči Vlade Brčko distrikta BiH, Odjeljenja za raseljena lica, izbjeglice i stambena pitanja i web stranici Odjeljenja na koju se može uložiti prigovor u roku od petnaest dana od dana objavljivanja.

Prigovor se podnosi drugostepenoj komisiji koju imenuje šef Odjeljenja.

## Podnošenje prijava i dokumenata

Prijava na Javni poziv za stambeno zbrinjavanje raseljenih lica koja se žele integrisati na nivou lokalne zajednice, s popunjениm obrascem prijave/izjave i pratećom dokumentacijom kojom se dokazuje ispunjavanje općih i posebnih kriterija, dostavlja se **u zatvorenoj koverti** u zgradu Vlade Brčko distrikta BiH – Bulevar mira br. 1, na šalter broj 9, svakim radnim danom od 07.30 do 15.00 sati ili poštom na adresu: Vlada Brčko distrikta BiH, Odjeljenje za raseljena lica, izbjeglice i stambena pitanja, Bulevar mira br. 1, poštanski broj 76100 Brčko, s naznakom: „**ZA JAVNI POZIV ZA STAMBENO ZBRINJAVANJE IZBJEGLICA I RASELJENIH LICA KOJA SE ŽELE INTEGRISATI NA NIVOJU LOKALNE ZAJEDNICE ZA 2020. GODINU – NE OTVARAJ**“.

**Obrazac Prijave/Izjave** se može preuzeti na infopultu u zgradi Vlade Brčko distrikta BiH – Bulevar mira br. 1, kao i na internet stranici [www.vlada.bdcentral.net](http://www.vlada.bdcentral.net).

Javni poziv je otvoren **15 dana** i traje **od 13. 7. 2020. do 28. 7. 2020. godine** i bit će objavljen na oglasnoj ploči Vlade Brčko distrikta BiH i Odjeljenja za raseljena lica, izbjeglice i stambena pitanja, te web stranici [www.vlada.bdcentral.net](http://www.vlada.bdcentral.net).

Prijave podnesene mimo utvrđenog roka neće biti razmatrane.

**DOSTAVITI:**

1. Za oglasnu ploču Vlade
2. Za oglasnu ploču Odjeljenja za raseljena lica, izbjeglice i stambena pitanja
3. Za web portal
4. Evidenciji
5. Arhivi.

**Šef Odjeljenja**

**Petar Vrhovac, menadžer – Bachelor of Science**